

Тарафкашликка чақирган биздан эмасдир



11:10 / 26.08.2019 2122

Тарафкашлик ўз қавми ёки тарафи фойдасига ноҳақдан тарафкашлик қилишдир..

Восила ибн ал-Асқаъ розияллоху анҳудан ривоят қилинади:

«Эй Аллоҳнинг Расули! Тарафкашлик нима?» дедим.

«Қавминга зулмда ёрдам бермоқлигинг», дедилар».

Шарҳ: Исломда тўғри маънодаги, ҳақ йўлдаги тарафкашлик тарғиб қилинади. Аммо зулмда тарафкашлик қилиш ман қилинади.

Жубайр ибн Мутъим розияллоху анҳудан ривоят қилинади:

«Набий соллаллоху алайҳи васаллам:

«Тарафкашликка чақирган биздан эмасдир. Тарафкашлик асосида қитол қилган биздан эмасдир. Тарафкашлик йўлида ўлган биздан эмасдир», дедилар».

Шарҳ: Бундан салбий маънодаги тарафкашликка даъват қилиш ҳам, унга амал қилиш ҳам ва унинг йўлида фидокорлик қилиш ҳам ҳаром экани келиб чиқади.

???? ?????????? ???? ?????????? ???? ??????????

????????????????? ?????? ?????? ??????? ??????:

????????????? ?????????? ?????? ??? ?????? ?????? ??????

?????????: ?????????????? ?????????????????? ??????

????????????????? ??? ?????? ??????????????.

Суроқа ибн Молик ибн Жўъшум ал-Мудлижий розияллоҳу анҳудан ривоят қилинади:

«Расулуллоҳ соллаллоҳу алайҳи васаллам бизга хутба қилдилар ва:

«Сизларнинг яхшингиз ўз уруғини мудофаа қилганингиздир. Модомики, (мудофаачи) гуноҳ қилмаган бўлса», дедилар».

Шарҳ: Демак, гуноҳ ва зулм қилмасдан, тўғрилиқ ва адолат ила ўз қавмига тарафкашлиқ қилиш яхши нарса.

???? ?????????? ?????? ?????????? ?????? ?????????? ??????

????????????????? ??? ?????? ?????? ?????? ??????: ?????? ??????????

????????????? ?????? ?????????? ?????????????? ??????????

????????????? ???????? ????????? ??????? ??????????

?????????????. ?????? ??????? ?????????????????? ??????

?????????.

Абдуллоҳ розияллоҳу анҳудан ривоят қилинади:

«Набий соллаллоҳу алайҳи васаллам:

«Ким ўз қавмига ноҳақда нусрат берса, (қудуққа) қулаб тушиб, думидан тортилаётган туяга ўхшайди», дедилар».

Ушбу тўртовини Абу Довуд ривоят қилган.

Шарҳ: Қудуққа тушиб кетган туяни думидан тортиб чиқариш мумкин эмаслиги ҳаммага маълум. Шунингдек, қавмига ноҳақда ёрдам бериб, тарафкашлик қудуғига қулаб тушган одамни қутқариш ҳам қийиндир. Аслида эса мусулмон одам ўз қавмидан ноҳақлик ва зулмни кўрган чоғида уларни бундай гуноҳдан қайтариши лозим. Ана ўшанда у савобга ноил бўлади.

«Ҳадис ва ҳаёт» китоби асосида тайёрланди.